

Radulpho primo Staffordiæ Comite deducunt) sedem habuit, Castrumque, quod *Hymell* vocabatur, in monasterium *Finisheved* dictum commutaverunt. Stirps eorum mascula ante ducentos annos defecit, filiarum vero prima Ioanni *Goldington*, altera *Laurentio Pabenham*, & tertia *Guilielmo Bernak* viris ex Equestri ordine clarissimis fuit elocata.

Aptborp hic etiam cernitur sedes *Antonii Mildemay* Equitis clarissimi, cuius pater *Walterus Mildemay* nuper *Elizabethæ* Reginae à consiliis ob virtutem, prudentiam, pietatem, & in Rempub. literariam benignitatem extruendo Collegium *Emmanuelis Cantabrigiæ* vere promeruit, ut inter optimos hujus seculi connumeretur. *Thornhaugh* in proximo adjacet, olim familiæ de *Sancto Medardo*, nunc honoratissimi viri *Guilielmi Russellii* filii *Francisci* Comitis *Bedfordiæ* ex eadem familia oriundi, quem *Rex Iacobus* ob virtutes, & fidelem operam in *Hibernia* cui *Prorex* præfuerat, ad dignitatem *Baronis Russell* de *Thornhaugh* evexit. Nec *Welledon* silendum est oppidulum, cum olim habita fuerit *Baronia*, quæ per *Matildem* filiam & hæredem *Galfredi de Ridell*, qui submersus erat cum filio Regis *Henrici Primi*, ad *Richardum Bassett* filium *Radulphi Bassett* Iusticiarii Angliæ descendit, in cujus stirpe ad *Henrici* usque *Quarti* tempora permansit, tunc enim per fœminas, (masculis deficientibus) *Knevetti* & *Alesbury* hæreditatem adierunt.

Ab *Heringworth Wellandus Collingeston* invisit, ubi *Margareta* *Richmondia* Regis *Henrici Septimi* mater ædes decore & elegantia conspicuas extruxit. Sub quo lapides tegulares ab omnibus vicinis in ædificiorum usum magna copia effodiuntur. *Wittering beath* planities hinc longe in Ortum procurrit, in qua memorabili prælio olim fusos fuisse *Danos* memorant incolæ. Iam *Wellandus Burghley* accedit, ædes speciosissimas, quæ consultissimum & honoratissimum virum *Guilielmum Cecilium* magnum *Britanniæ* column, summum Angliæ *Quæstorem*, *Elizabethæ* Reginae gratia *Baronis* titulo honoraverunt, & quas ille suis virtutibus ornavit, magnificentissimis ædificiis nuper condecoravit, & *Parcum* (hoc enim verbo utitur *Varro*) feris includendis muro è saxo magno ambitu circumdedit. *Latomiæ* hic subsunt antiquæ ad *Berneck*, è quibus & *Petroburgense*, & *Ramsiense*, monasterium extructum, *Operosa enim* (*Ramsiensis* historiae verba legis) *latomorum vires hic frequenter exercentur, semperque superest, in quo alterna requie reparata exerceantur.* Legiturque in *Charta Edwardi Confessoris*, *Pro quatuor millibus angillarum in Quadragesima fratres de Ramsey habebunt, de territorio S. Petri, quantum sibi opus fuerit de lapidibus quadratilibus apud Berneck, & de petris muralibus apud Burch.* Sub *Berneck* publica illa *Romanorum* via quam *Forty footway* à latitudine vicini vocant, à *Caster* ad *Stanford* hunc Comitatum interfecat, & alto aggere eminet, præcipue per sylvulam de *Berneck*, ubi speculam ipso aggere impositam habet, & per murum *Parci* de *Burghley* longe procurrit.

Post pauca hinc milliaria *Wellandus* defluens per *Maxey*, castrum quondam *Baronum* de *WVake*, & *Peag-kirke*, ubi in primitiva Anglorum ecclesia *Pega* fœmina sancta, quæ nomen loco reli-

quit, *S. Guthlaci* soror cum sacris virginibus pietatis & castitatis documenta vita & exemplo præbuit, paludes quas sæpe dixi, accedit. Cumque agger ad australem ejus ripam negligatur, adjunctis campis magno cum dispendio incumbit, & suo canali emorus, qui per *Spalding* prius duxit, *Nen* sive *Aufonam* subintrat & admodum onerat.

Avona vero minor, qui alter est, ut dixi, è limitibus hujus Comitatus ad Septentriones, sed limitis vice tantum per quinque milliaria fungitur, proxime *Wellandi* fontes effusus in *Occasum* defertur per *Stanford*, super *Avonam* dictum, habitationem familiæ *Cavorum*, è qua clara & numerosa propagata est in adjacenti tractu soboles: & *Lilborne*, quondam *Canvillorum*. Quam mansionem olim fuisse *Romanorum* persuadent situs ad viam Militarem, antiqua valla, & monticulus in conum aggestus, in quem, cum spe antiquarum opum quidam nuper suffossione penetrarunt, pro auro carbones invenerunt. Cumque jam hic fluviolus *Dowbridge* pontum subierit, *Northantonenses* deserit *Warwicenses* invisurus.

Ex subfossis illis carbonibus, quid si opinor hunc collem pro termino aggestum fuisse? Cum *Siculus Flaccus* memoret aut cineres, aut carbones, aut testas, aut vitrea fracta, aut ossa subcensa, aut calcem, aut gypsum terminis subdi sole-re, & *S. Augustinus* scribat de carbonibus, *Nomen miranda res est, & tanta infirmitas, ut ictu levissimo frangantur, pressu facillimo conterantur, nulla ætate vincantur, adeo ut eos substernere soleant, qui limites figunt, ad convincendum litigatorem, quisquis post quantalibet tempora extiterit, fixumque limitem non esse contenderit.* Eoque magis in hanc opinionem propendeo quod qui de limitibus scripserunt, monticellos de terra, quos *Botontinos* vocarunt, in limitibus collocatos scribunt, adeo ut existimem plurimos ex tumulis & rotundis monticellis, quos passim videmus, in hunc usum fuisse erectos, & cineres, carbones, testas, &c. sub iis inveniri posse, si terra altius effoderetur.

Comitem habuit hic ager primum, quod sciam, *Waldeofum Siwardi* bellicosi filium, qui etiam *Huntingdoniæ* Comes, perfidiæ in *Guilielmum Conquestorem* pœnas capite persolvit duabus tantum filiabus relictis, quas illi *Iuditha Conquestoris* neptis ex sorore uterina peperit. *Matildem* filiam primogenitam *Simon de S. Lizio*, sive *Sylvanectensis* à *Iuditha* matre, cujus nuptias ambivit, quia pedibus captus, ludibrio rejectus in uxorem accepit, qui *Ecclesiam S. Andreae*, & castellum *Northantonæ* construxit. Huic successit filius *Simon Secundus*, qui de maternis possessionibus cum *Davide Scotorum Rege*, cui mater secundo nupsit, diu litigavit, & *Stephani* Regis partes sequutus de vita anno *CIO CLII* decessit, cum hoc elogio: *Juvenis plenus omnium quæ non licebant, omnium quæ non decebant.* Filius ejus *Simon Tertius* jus suum de Comitatu *Huntingdoniæ* lite & judicio contra *Scotos* persequutus rem familiarem exhaustit, Regisque *Henrici Secundi* beneficio filiam & hæredem *Gilberti de Gaut* Comitis *Lincolniæ* duxit, demumque recepto *Huntingdoniæ* Comitatu, *Scotis* ejectis, diem suum sine liberis obiit anno *CIO CLXXXV*.

Stanford.
Cave.

Termini
veterum.

Lib. de
Civ. Dei
21, c. 4.

Hinc Bur-
tings forte
apud nos

Northan-
toniæ Co-
mites.

Vita Wal-
deofi.